

Елена Козлова

Кыр йылын бөрдис гудок



Народная библиотека

Елена Козлова

Кыр йылын бөрдис гудок

Өнөө Лавица
став сөймөмөҥө
бур сөймөм!

Э. Жу -

22.04.2016 во.

Союз писателей Республики Коми
Сыктывкар
2016

Редакционная коллегия
«Народной библиотеки»:

Елена Козлова (председатель)

Галина Бутырева

Валерий Вьюхин

Надежда Мирошниченко

Алексей Попов

Андрей Попов

Александр Суворов

Александр Ульянов

Елена Афанасьева

© Козлова Е., 2016.

© Союз писателей

Республики Коми, 2016.

Кыр йылын бөрдис гудок

Висьт

Зина здук кежлө сувтыштліс дзиръя дорас да сэсса ньөжйөникөн восьтіс. Юрас воис Парасковья Николаевна вылө төрытья дузмунлөмыс.

Нор вөлі сьөлөм вылас Зиналы, да корис патераса көзьяйкаыслысь камод вывсьыс важ гудөксө ворсыштны (батыыс ичөтика велөдлывліс). Но Парасковья Николаевна кызкө тешкодя видзөдліс Зина вылө да нем эз вочавидз. Выльысьсө том ныв эз лысьт корнысө, да и лөгасыштліс на быттьө: гудок шойыд пө жаль лои. Рытсө чөла и коллялісны.

Овмөдчис Зина карө төлысь сайын. Эз вермы сдایتны экзамен медучилищеө, но гортас муннысө эз вөв окота. Со и кольчис, санитаркаөн вөзйысис больничаө. Удж лои, и патера сюри. Удж вывсяньыс и индісны Парасковья Николаевна ордө. Олө пө өтка пөрысь нывбаба. Лэдзас горт-

гөгөрас отсасысьтө. Лэдзис. Нимкодъ-пырысь на. Патерасыд пö некутшöм дон ог босьт. Көдзыд төвнас пес-ва пыртыштöм вылө пö и видза. Лавкаö котөрт-лөм вылө да. А Зиналы тайö зэв на и кивыв. Татшöм сяма уджтö пырмунігмоз вöчас. Сэсся и варов бабыс. Оз сет гажтөмтчынытö.

Шань морт дорö веськаліс овнысö. Сöмын вот төрытья лөгасыштöмыс көдзөдыштіс мыйтакö. Но нинöм, оз сэсся некор гудök йывсьыс гарав дай.

Керкаö пырöм бöрын Зиналы нырас тшапкис зэв төдса дук. Таг дук. Кутшöм чөскыдөн öнi сійö кажитчис! Гортас öд батыслөн тшötш вöлі таг сад йöрыс. Öнi, кöнкö, босьтіс жö нин. Таг пабнас на коркö Зиналы сюрлывліс и. Первой классын сэк вöлі велөдчö, а тагсö босьтны ок ёна дыш, кор сэтшöм мича лунъяс сулалöны. Сэки батыс и öвтовтіс! А öнi со сэтшöм донаön да асөн кажитчис тайö дукус. Бытьö гортас Зина, батыскöд пукалöны да варовитігмоз килльысьöны.

— Зинук, сёйышт, ме тэд со картупель жариті,— меліа шыасис Парасковья Николаевна.

Нуръясыштөм бөрын Зина пуксис киллысыны. Апаліс тайё ичөтдырсянь төдса көрсө.

— Менам батыё вөдитө жө тагсө,— сёрниё сюртчис Зина.

— Ме тай со быдта жө. Верөсөйсянь на кольлі таг сад йөрыс да. Сурсө эськө вонас кыкысь кымын и пула, а верөс паметь кузя ог эновт. Да вот пышйө тагйыс.

— Кыдзи пышйө?— шензьө Зина.

— Войвывлань тагйыд пыр мунө. Быд во войвывланьджык петө, лунладорыс кушмө. Нелямын вонад куимысь кымын косөдлі. Босьта да важинас вуджөда. А сэсса бара пышъяс.

Недыр кежлө пуксис чөв-лөнь. Быдөн мөвпаліс мыйкө ассыс.

— Зина, төрыт гудөктө эг сет да, гашко, лөгасин? — синмас нывлы видзөдліс пөрысь ань.— Тэ, тусь ныв, эн лөгав.

Тöрыт друг юалін, да эг путьмы нинöм вочавидзныс. Босът, кор колö, да ворс, кужан кö да гудöкыс кö ворсас. Матö нелямын во востылтöм.— Парасковья Николаевна шога ышловзис да бара мышкыртчис таг паб дїнас.— Нелямын во нин регыд лоö Ёгор кулöмлы. Кадыс тай кольö-визувтö, он сувтöд сійöс, ни он бергöд, ни дозйö он пукты. Сэсся кутшöм пö морт, сэтшöм и слава. Гудök Ёгорön и шуöны вöлі верöсöс, а менö Гудök Ёгор гöтырön дай,— казтыштїс важсö да нюммунї Парасковья Николаевна.

Недыр чöv олыштöм бöрын бара шыасис:

— Тэ кодь гулюөн, Зинук, синтöм сайö верöс сайö петї! Эг и повзьи!

— Синтöм сайö? — чуймöмөн видзöдліс Зина пöрысь ань вылö.

— А мый нö... Синтöм öд сійö вöлі, Гудök Ёгорыс. Но гöтрасиганым эськö аддзыштö на жö вöлі да, сэсся и дзикöдз синтöммис. Война дырйиыд лёк сёянъяссьыд нöшта нин öдйö чинї.

Суседъяс ми Ёгорыскөд вөлім. Туй мөдарас миян керканым вөвлі, важөн нин косявлісны. А Ёгорушко тан мамыскөд овліс. Вөр посёлокысь найө татчө волісны. Батыс доймылөма кер лэдзигөн, кувтөдзыс лоөма, а мамыс керкасө да мөссө вузалас и — карө. Чайтас, пиыслысь синсө на бурдөдны вермасны, врачъяс дорад матынджык и. Сэсся и уджыд Ёгорыдлы пыр вичмис: гез путшкөны вөлі омөля аддзысьясыд. А нөшта на и гудөкасьны зэв мастер вөлөма.

Тувсов рытьяснад öтырышъя кильчө вылас петө. Пуксяс вылыс сод вылас да и ливкйөдлө-ворсө. А ме бара жө ас кильчө вылө пета гусьөникөн, мед эськө, мися, менө эз жө казаяв, да пукала, кывза. Сідзи и петам вөлі гортса уджъяс эштөдөм бөрын, быд рыт: сійө ас кильчө вылас, и ме — асын. А гудөк шыыс ме пытшкө сідзи и йөршитчө-пырө.

Зина чөвтліс синъяссө Парасковья Николаевна вылө: пөрысь, чукурөсь чужөмыс сылөн банйыштөма, ачыс ставнас

быттьö югзьö, вом дорсö ворсöдыштö дзе-
баса нюм. Кöть таг пабйыс и куйліс сы
пидзöс вомөн, но ни öти коль эз сод кöрзи-
наас. Сійö öні вöлі ылын-ылын, аслас том-
лунас, и кажитчис, мый нинöм öні оз вер-
мы бергöдны сійöс татчö.

— Быдтор тай му вылад ас кадö воö, и
радейтчöмыд тшöтш. Öтчид, гожöмыс ар-
лань нин катовмуні, гудöкасьöм бöрас
матыстчис Ёгор мян керка дорö. Кöть и
синтöм, а казялöма тай менсьым быд
рытья пукалöмтö. Сувтіс дзирья дорö. А
менам сьöлöмö ыркмунлі, мый нин, мися,
шуас. И виччысьö мыйкö быттьö тöдлы-
тöмтор на, чуймöдана мича. Дзорга-ви-
дзöда сыланьö, а Ёгор небыдика сідз шуö:

— Матыстчыв, Паша. Али полан ме-
ысь?

Лэччи кильчö пос кузя, воча-воча су-
лалам, син на син видзöдам. А синъяс-
ыс сылөн ыджыдöсь, пемыдлöзöсь, ныр-
бордьясыс тіралыштöны. Босьтіс мен-
сьым киясöс и шуö:

— Пет, Парасковья Николаевна, ме

сайö верöс сайö. Сідзи и ыдждöдліс, сідзи, ним-овнаöн.

А ме йöйыд, лёка öд на сэки том вöлі, көть и виччыси тайö кывъяссö, көть и көсйи, мед шуас, а кызкö нетшыштчи сы кыысь и котöрті гортö. Пышйи. Кильчö öдзöсöс крапниті, посводзас öшинь куричас мыджси, ышлолала, а ачым видзöда син бöжнам, мый кутас вöчны.

А Ёгор дзажнитіс гудöкнас, да и муніс Сыктывлань.

А менам пельын войся чöв-лөняс быттьö чуналöны сылөн кывъясыс. Чужö-мöй сотчö, гортö ог лысьт пырны, мися, казяласны. А код нö казялысьыс, узьöны нин ставöн. Сідзи эг и унмовсьлы ме асъядорöдзыс. Ачым аскöд войбыд вензи. Мися, статя эськö Ёгорыс и мича, а синтöм. Мися, уджач эськö и абу ыкша, а дас арөн меысь ыджыд.

Мам-батьлы и висьтавыныс ог лысьт. Рытöдзыс майшаси. Виччыся, кор гудökшыыс кылас. А Ёгор некөн абу. Быттьö шуштöм гөгөр, ворсöмыс оз кыв да. А

Ёгор оз пет. А ме водзджык ачым ог жё
пет, ёшинь дорын кыйёдча.

Видзёда: петё Ёгорыд, гудёка. Но эз и
паськөдлы гудөксё, ми ёшинь вылё синсё
чөвтліс да бара тёрытъя моз ю дорлань
муніс. А ме аслым места ог аддзы. Ог на
вөлі и чайт, мый Ёгорыд нин меным сьё-
лөмөдз йиджтысьёма.

Дугдіс Ёгорыд гудёкасьныд. А ме дзик
йөй морт кодь лои. Пельнам и синнам
Ёгор керкаё сатшасьёма. А сійё быд рыт
мунё ю дорё гудөкнас. А Сыктылыс өд
миянсянь лёка матын. И сэсянь гудөк
шыыс оз кыв. А гортсаяс нин менсьым
майшасьөмтё казялёмаось.

Кык рыт терпиті, а коймөднас вөтчи
сы бөрся.

* * *

Лөнь, пемыд рыт. Кыркөтш улын
ньөжйөникөн сьялькөдчө Сыктыв, нуө ас-
сьыс рудов васё сөдз Эжваё. А сэся Эж-
вакөд өтвыв пырмунігмоз чукөртё васё

уна посни вөр ёльясысь, юясысь да Двинакөд сөлькнитчөм бөрын петкөдө войвыв саридзö.

И тэ нин, буракö, Сыктылöй, казялн, мый коймөд рыт волö тэ дорö öтка морт, дыр пукалö да кывзö тэнсьыд гусьöник кыв-вортö, асьыс шогсö шогалö. Босьтн эськö мед, Сыктылöй, сылысь шогсö да кылöдн тшötш вой саридзад.

А тэныд некутшöм мог абу öтка морт-öдз. Тэрмасын, тэрмасын аддзысьны аслад чойяскöд да кутчысьлыны накöд гыяснад.

Ёгор куим рыт нин пукалис Сыктыв бердса рöч вылын. Сьölöм вылас вöли сьökыд. Видис асьсö. Дивитис: «Кораси. Йöйыд. Вир йöй. Том мича нылöс. Пыш-йис. Пышъяс, дерт. И кызд менам петис-ны тайö кывъясыс! Петас ме сайö, синтöм сайö, кызд нö. Воысь-во меным пыр лөкджык и лөкджык. Регыд пом. Пемыд. Нэм кежлö пемыд. И врачьяс нинöмөн оз вермыны отсавны. И ме тайö асьымы дойсö, асьымы нэмöвöйся шогсö көсья

вождьны тайö ичöтик нывка вылас. Ас пельпом вылысь сьöкыдлунсö пуктыны сылы. Ок! Мужик! А позьö-ö меным думайтны семья лöсьöдöм йылысь? Кор аслым регыд ковмас киöд новлöдлысь?»

Кöритис асьсö Ёгор, а морöспань улас олис кутшöмкö ичöтик би кинь, кодi эз кöсйи кусны, а надейтчис пöрны ыджыд бипурö. Тайö би киньыслы вöли веськодь Ёгорлөн мөвпъясыс, сийö корис асьсыс, кöсйис пöрны ыджыд радейтчöмö да йитчыны мöд, ас кодыс жö би кинькöд, да ломавны ярьюгыда да ыджыда.

* * *

Лэчча ю дорö, а сьöлöмö сiдзи и чеччö. Аддза: джуджыд нöрысас пукалö Ёгор. Сувтис меным воча, кылöма, буракö, менсьым локтöмтö. Ме уськөдчи сы морös вылö да гораа бöрддзи. И висьтавнысö ог куж, мыйла бöрддзыссис. И öнöдз ог тöд, жалыс ме пытшкын сэк унджык вöли али радейтöмыс.

Топөдіс менө морөс бердас, юрситі шы-
льөдө да сэтшөм меліа. Ме и ланьті. Дыр
тадзи сулалім. Сэсся пуксьөдіс менө не-
быд турун вылас, пинджаксө павгис да, а
ачыс гудөксө паськөдіс.

Гажа нөрысын, джуджыд коз йылын
Сьылө колипкай менам юр весьтын.
Ой тэ, колипөй, сьылан мый йылысь,
Кутшөм шуд йылысь, кутшөм гаж йылысь?

Сідзи и пукалім асывводзөдз орчөн.
Югыд асья кыасө да шонді-мамнымөс чо-
лөмалім.

Асывнас локтам туй кузя кутчысьө-
мөн, а мамөй нин чеччөма, мөс вөтлө.
Аддзис миянөс. Менам сьөлөмө тіпкө,
мый и шуас. Ачым водзмөстчи: мамө,
мися, ме Ёгор сайө верөс сайө пета. Мам
сэнi чөв оліс, кутчысис, буракө, Ёгор во-
дзын, сөмын синсө шыбитліс Ёгорлөн мам
вылө, кодi дзиръя дорас жө вөлі сулалө.
А сідзсө ладмөны вөлі ськөд.

Гортө пырөм мысьт и заводитіс менө

видны. Прамөй зонмыс пö тэд эз али мый шед, этатшөм чужөмбаннад да татшөм статьянад синтөм сайö петан. Он лысьт!

А чойлы сэк дас кык ар на вöлі, мам бөрся вомсö нюмрөдлө, ме пö эськө синтөм саяд нинөмысь эг пет, ме пö начальник сайö сөмын пета. Öти позтырйысь эськө ськөд, да абу öткодьöсь. Почтаса начальник сайö и петалис сэссия, Пистиа Көсьта сайö. Шудыс эськө коньөрлөн абу жö вөлөма да. Усьлі Көсьтаыс война вылас, писö öтнас чойö и быдтіс.

Бать чöv олö. А ме шуа: пета. Көть, мися, мый керö, көть мый шуö, а ме кывйöс ог веж. Сыөдз мам-батьлы кыв воча эг шулы, гидысь петавлытөм кукань вöлі, и кысь мен, ичöтик пыстаыслы, сэк сы мында выныс воис. Сэссия бать ме дор жö сувтіс. Мый нö көть пö и синтөм, уджалö тай йöз моз, абу кокни руа ни. А кор пö мывкыдыс бур, гöныс вылö оз видзöдны. «Сет, оз кө, нывтö калека сайö»,— крапнитіс мамö. А мен сэтшөм öбиднö лои, мый мам Ёгорöс калекаөн шуис.

Дойді жö сэк воча кывйөн мамös: мися, тэ вывтыр бур сöмын корсян.

— Да,— чöv усьлём бöрын водзö вись-таліс Парасковья Николаевна,— кызди тувсов йитö он вермы кутны, сідзи и сöv-мём нывтö. Рытнас и воисны корасьсыс-яс, Ёгорушкаöй мамыскöд. Бать вочави-дзис, мый пö ачыс шуас. Мися, сöглас ме.

Гижсим сэсся. Ыджыд свадьба, дерт, эгö вöчö. Ас чукөр пукыштім жö рыт пом. Ёгор вöччöма, еджыд дөрöма, гудöкасьö; мамыс мича да ён гөлöснас миянлы важ-ся свадебнöй сыланкывъяс сыліс. Сідзи и овмöдчи ме тайö керкаас ветымын во сайын.

А шудаа и олім Егорушкакöд. Көть и эг дыр. Лөнъ ва моз шуньгис-муніс олём-ыс.

Парасковья Николаевна лöсьöдыштіс юр вывсьыс ичмонь моз кöрталём чышь-янсö да тэрыба кутіс киллыны таг коль-сö. Ланьтіс.

— А сэсся? — Зиналы водзö вöлі окота кывзыны тайö кыв-вора аньсö.— Нöшта

висьталышт,— корис том ныв, быттё мыйкё ёна на коланаёс аслыс кёсйис босьтны пёрысь ань висьтысь.

— А мый сэсся висьталаныс?.. Ме санитаркаён тэ моз жё пыри больничаё уджавны. Локтам удж вылысь, отвылысь горт гөгөр идрасям да бара нин гозъя воча-воча пуксям да сылам-ливкйёдлам. Мый сэсся, челядь Ен эз сет-а. Эз тай сэтшөм шудыс миянлы усь. Сідз эськё, гашкё, и олім чөв-лөньөн, эз кё войнаыд ло. Да он пё тай век чой горув исковт, коркё и чой паныд кайны лоё.

А война йывсьыд кывліс да, быттё вежисны менсьым Ёгорёс. Чөв олө. Кымынь водас крөватьё. Ыджыд мужик, ён. А синтөм. Ывла югыдсё да морт вуджөрсё сөмын аддзё. Ме сы дорё и сідз, и тадз суйся, ылөдла лёк думъяссьыс ас могысь. А сійё чөв олө.

А сэсся нөшта и чой на быттё көдзыд ваён койыштіс пөсь гор вылө моз. Война заводитчөм бөрас төлысь кымын мысти Көсьтаыслы повестка вайөмны. Пырис

чой, өшиньдорса лабич вылө өшйөдчыш-
тіс, висьталө: пукыштны пө рытнас волө.
Сэсся дыркодь чөв олөм бөрын гораа сідз
крапкис-шуис:

— Но, Парасковья, төдөмыд тай код
сайө верөс саяд мунныд. Йөзыслысь му-
жикъяссө война вылө босьтөны, а тэ кра-
суйтчыны мөдан!

Ме сылы киөн и кокөн петкөдла, мися,
ланьт, кылас, пыді вежөсас өд Ёгорей. А
сійө быттьө оз казав:

— Йөзыс вир кисьтөны, а ті кань моз
паччөрад гозъя мөданныд кургыны. Гу-
дөкасьны да. Сэсся и кага ни баля.

Бурдлытөм дойсө өд выльысьөн парс-
нитіс. Эг вермы терпитны. Мися, муса
чойө, пет керкасьыс. Мися, талун рыт-
над пукавнытө волам, ог тэ ради, Көсьта-
ыд ради. А сэсся өтлаын пукалөмъяс оз
лоны. Челядьдырсянныс эськө чойө ярс-
көб вөлі, но тані и ме чорыдалі.

Көсьтаөс колльөдім паракодө, кызд пө-
лагайтчө. А мөд лун локті тадз удж вы-
лысь сөрөн кодь нин. Ёгор некөн абу. Гор-

за — оз шыась. Суседъяс висьталёны: ю дорлань пö лэччис. Съөлөмө ыркмуни, сэтшөмөдз повзи, мися, вао али мый көсйө пырны шог йывсьыс. Инас өд бөръя кадас оз вöли öшйы.

Котöрті юлань — абу. Горза — оз шыась. А вылынджык, пристань дорас, паракод сулалө, и берег выв тырыс йөз. Фронт вылө колльөдчöны. Матыстчи, синнам верөсөс корся, мися, абу-ө көнкө сэни йөз пөвстас. Аддзи. Нöрыс йылас сулалө да гудөкасьö, «Русскöй» ворсö. А кымынкө мужик сöмын гымөдöны-йөктöны. Лигышмуни ки-кокöй радöйла, мый ловъя Ёгорушкаöй.

Матыстчи сы дорө, сувті мышладорас. Кывза и видзöда гөгөр. Тöлысьтö колльөдчөмөн эжаыс быдөн нин вушйöма, уна сапөгөн талялөмысла вижөдöма. Чукөрөн-чукөрөн сулалөны новобранъяс, рөдвужыс, челядыс кок улас гартчöны. Кодөс пöрысь мам колльөдö, кодөс невестапуыс. Ылыс сиктсаясыс, кодлөн колльөдысьыд абу, Ёгор дорө жмитчöны. Сэк өд

көрт туйыд тат эз на вөв, да паракодөн
вөлі кывтөны Котласөдз.

Ёгорушка «Шондібан» ворсіс, «Мича
нывъяс». А лөсьыда вөлі сылөн артмө,
небыда да мылаа, некодлысь сэсся ме
сэтшөм ворсөмсө эг кывлы. Прөщайтчы-
ны мөдісны, киасьоны быдөн Ёгоркөд,
пасибө пө, гажөдыштін, гашкө, бөръяысь
Коми му вылас йөктім. А Ёгор шуө:
«Нинөм абу бөръяысь, вөтланныд фаши-
стъясөс, бара на тан, кыр йылас, аддзы-
сям».

А Ёгорлөн чужөмыс быттьө кынмис
быдсөн, «Священная войнатө» ворсны
кутіс да. Кывлөма нин радио пыр и ве-
лавлөма. И горзөм-бөрдөмыс лөньыштіс
весиг, сэтшөма ставлы сьөлөмас йиджты-
сис тайө призыв-музыкаыс. Паракодыс
тутөстіс, ылыстчыны мөдіс, а Ёгор пыр
ворсө и ворсө, и гудөк шыыс нормис, и
со нин кажитчө, мый гудөкыс бөрдө, бөрд-
дө Коми мулөн пиян вөсна, кодъяс муно-
ны пез гундыркөд тышкасьны, и, дерт,
оз ставөн бөрсө воны.

Сэссия Ёгорлөн паракод коллявны вет-
лөмыс быдлунъя лои. Мудз локтас удж
вывсьыс (өд и нормаясыд содісны), а бара
на гудокасьны мунө. А ме ог торк ветлөм-
сьыс, мед, мися, бур йөзсө сьөкыд туяс
кольөдө, да и ассьыс сьөлөм дойсө личө-
дыштө. Война вылад оз жө нуны-а. Сідзи
и кысины лун бөрся лун.

* * *

Талун Ёгорлөн Ыджыд лун. И мед
Ыджыд луныс сылөн арын. И мед ывла
вылас слөт. А Ёгорлөн талун Ыджыд лун.
Восьлалө сійө төдса туй кузя сьөкыд
уджалан лун бөрын, бедьнас водзтіыс туй-
сө видлалыштө: эз-ө мыйкө вежсьы лун-
тырнас. И ставнас аснас: тушанас, мунөм-
нас, чужөм вөраснас, шуда нюмнас —
кылө асьсө Мортөн. Да-да, и нинөм тан
шензьиныс. Войнаөдз Ёгор кызкө эз
мөвпавлы та йылысь. Оліс, кызди ставыс,
уджаліс. А война заводитчөм бөрас пыр
көнкө юр вем пельөсас оліс лөк гаг кодь

мөвп да йирис юр вемсö — «ковтöм морт». Да-да, ковтöм. Личöдыштлис сьölöмсö паракод колльöдигъясö, но и сэки асьсö эз кыв мортөн. Вöли яндзим. Абу мыжа, а яндзим. Яндзим вöли кутлыны война вылö мунысь йöзлысь кисö. Найö со — олöмаяс и томиникöсь — мунöны и мунöны, а Ёгор сöмын найöс колльöдысь. Вермис кö эськö, тшöтш мунис, а колльöдисны мед мöдъяс. И сöмын талун Ёгор кылис асьсö мортөн, колана мортөн.

Тöлысь сайын кымын налөн удж вылын кутисны вурлыны да кыны снайперъяслы кык чуня кепысьяс. Ёгор виччысис, мый цехсö тшöтш вуджöдасны вурсьыны, но найöс сідзи и колисны гез путшкыны.

Вежон кык коли да, Ёгор матыстчис бригадир Павел Петрович дінö:

— Павел Петрович, ме тшöтш кöсья снайперскöй кепысьяссö вурлыны.

— Кывзы, Ёгор, тэн вурсьыныс велöдчыны ковмас кык тöлысь. А мян кадыс та вылö абу. Кепысьяссö вурлыны ми ин-

дім найӱс, кодъяс вурсьывлісны нин. А
тэ ассьыд уджтӱ вӱч, сійӱ колана жӱ.

— Ме тӱда, мый колана, но и тэ менӱ
гӱгӱрво: ме кӱсъя вурлыны снайперскӱй
кепысьяс! — ыдждӱдіс гӱлӱссӱ Ёгор.

Павел Петрович чуймӱмӱн лӱптис
синъяссӱ Ёгорлӱн скӱр чужӱм вылӱ. Кы-
мын во тӱдӱ Ёгорсӱ, но татшӱмӱн эз на
аддзыв.

— Кывзы, дона морт, кӱсъян кӱ велӱд-
чыны вурсьыны — велӱдчы, но сӱмын
удж бӱрын. А ас удж кузяыд мед норма
вӱлі тыртӱма.

Тасянь заводитчисны Ёгорлӱн сьӱкыд,
но сьӱлӱмсӱ шонтан лунъяс. Нормасӱ
тыртӱм бӱрын сійӱ вуджліс вурсьысь-
яслӱн цехӱ. Дыр эз сетчы выль уджыс.
Оз ӱд прӱста шуны: первой дӱра пӱ гӱ-
рӱдӱсь, первой лыйӱм — сьӱд рака. Но
асныраліс Ёгор, эз эновтчы вурсьӱмысь,
рыт-рыт песіс кияссӱ.

И со талун Ёгор пыртис складӱ ассьыс
медводдза бура вурӱм кык чуня кепысь
гоз. Аски сылысь уджсӱ мӱдӱдасны фронт

вылө. Сы вöсна талун Ёгорлөн Ыджыд лун. И мед, ывла вылас кө слөт.

Гортас воём бöрын аслас нимкодъысла эз пыр казав Парасковьялысь шогалөмөн чөв олөмсö. Нюмъөвтис жö верөссö ошкиг-моз, а сэсся бөр уси чужөм вывсьыс.

— Мый нö талун тэкөд?

— Чойö здук пырыштліс. Пиыс пö нёр-палө, биа висьөм бöрас некыз пö спра-ваыс оз сюр. Нем пö оз сөй и, да мый на ёнасö и сөян?

Ставыс. Ёгорлөн Ыджыд лун помасис. Ыджыдлунавныс эз сет война, öні сылы матысса детинкалөн висьөм дорас, суседъ-яслөн похоронкаяс воалөм бöрын аслас ичөтик вермөмыс, кепысь гоз вурөмыс, кажитчис ичөтик, тыдавтөм югыд войтөн став тайö му выв шогас.

Ёгор пырис пыді вежөсас, перйис сун-дуксьыс выль сьöd костюмсö, мый мурт-са войнаөдзыс лөсьöдлісны, да мый век пасьтавлывліс гудөкасигөн, кыскис визя кельыдлөз шөвк дөрөм, петкөдіс Парас-ковьялы.

— На тайӧс да нӧшта мыйсюрӧ чукӧр-тышт да ветлы шойччан лунӧ, гӧгӧртышт сиктъясті, гашкӧ, удайтчас вежны гос да картофель вылӧ. Колӧ детинкасӧ кок йылӧ сувтӧдны.

Парасковья чӧла босьтіс верӧс кисьыс кӧлуйсӧ, а аслыс кокныд быдӧн лои, мый оз кут лёксӧ чой вылас верӧсыс.

Война помланьыс и здоровьенас Ёгор кутіс лёкмыны. Лун и вой кызӧдіс, мӧдіс сьӧласьны вирӧн. Ыджыд мужик, карточка вылӧ босьтӧм няньнад оз пӧт. Ме эськӧ этатчӧ паркас зэв ыджыд картофель му керлі, да и сэсь на гусявлӧны вӧлі. Сэк, война кадад, став парксӧ картофельӧн пуктылісны. Больничаясь котӧрӧн локта, уськӧдча гортса уджӧ. Град йӧртӧ вӧдита и. Картофель керигъясад став сьӧкыдыс ме вывті мунліс. Выныс эськӧ Ёгорлӧн и вӧлі, да бара жӧ оз аддзы, кыті кодйыштнытӧ. Аслым лоӧ став позсӧ лэптавны. Сэссия эськӧ и ӧктас кималаснад. Уёвтомӧныд мудзан татшӧм рытъясад, нем

нин оз мөд тыдавны да өдва кыссян-пыран гортад.

Өти татшөм рыт сэтшөм ясыда кольөма паметьө. Пыри да мудзөмысла пыр жө нёровтчи крөвать вылө. Весиг верөсөйлы нур дасьтыны эг вермы. Ойбыртсьөма. Синмөс восьті, а Ёгорушка пукалө ме диньн, босьтөма менсьым өтторъя ваас да муас гудрасьөмысла дзодзөг кодь гөрд да сарөгөсь киясөс аслас ыджыд киясас да шонтө-пөлялө найөс. А сэсся мышкыртчис да быд чунь окыштіс. Став вирөй менам чужөмө ыльөбтіс, сэтшөма чуйми. Эз өд сідзсө зэв мелі вөв. А любөйд! Со өд, мися, менсьым киясөс окаліс, киясөс, кодъяс ва да удж сөмын төдөны, мисьтөм потласьөм киясөс. Сэсся и мөд мөвп юрө кучкис, мися, оз аддзы, кутшөм мисьтөм киясөй да, дерт. Йөйыд, эг гөгөрво сэк, мый жалысла окаліс, жалысла, мый нывбаба пельпом вылө сы мыйта сьөкыдлуныс уси.

Тулыс воис. Победа. Ёна, дерт, радлім. А Ёгорушкалөн бара уджыд содіс. Гудөк-

нас паракодъястө мөдiс вочаавны ветлыны. Быд лун муно вөли, быттьо воксо ли писо виччысьо. Рытнас вөли воо паракодыс окмыс гогорын. Ёгор сөстөм дөрөмасыс и — пристаньо. Сёр арөдз ветлөдлис. Ме нин өлөда вөли, мися, тырмас нин, кынмалан, дзодзөг бөж сайын нин лым тыдалө.

— Ю сувттөдзыс ветла нин,— лабутнөя сiдз шуө.

Арнад мукөддырйи и сёрмас паракодыд. Пуксяс порог дорө, виччысьо. Ойбырмунлас и... Тутөстөм сертиыс и төдө вөли, «Бородино» воо али «Некрасов». Кылас, и петө вөли гортысь. Мый нө, лёка өд матын пристаньыс, парксо вуджыштан дай.

Да, дзоньвидзалуныс Ёгорлөн тшөтш и кынмалөмсьыс вошны кутiс. Водз тулыснас на биа висьом чорыда нуөдiс. А сэсянь эз нин и дугдыв кызөдөмсьыс. Вирөн сьөласьо. Арнас кос паренча кодь лои, сьөдөдiс. Чужөм вылас нырыс сөмын коли. Ёгорушка, мися, вай врач дорө ветлам, бурдөдчыны колө.

— Ветлам, ветлам,— шуө.— Час, бөръя паракодыс воас да. А то водтөдасны ли мый, некодлы лоө встречайтнысө.

Бөръя паракод катөмыс вөскресенньө вылө уси. Войнас чорыдакодь нин кынмылөма, асылыс лои шондіа, а рытланьыс енэжыс куассис руд кымөръясөн, мөдіс буситны-зэрны. Оз өд прөста шуны, арся луннад пө дас кык поводдя вежсьө.

Ёгорөс кынтіс, лунтыр пач бокин пукаліс фуфайкаөн, а рытнас бара мөдіс дасьтысьны мунны пристаньө.

— Ёгорушка, эн нин мун талун, вись өдчан да эн нин пет ывлаас.

— Мый тэ, Паша, бөръя паракод дорас өд ветла жө.

— Сідзкө и ме тшөтш тэкөд,— вөзйыси.

Мунім. А төв петөма, слөт мөдөдчис. Югыд бияса паракодсьыс петісны йөзыс арся пемыдас да көдзыдас. А Ёгор сулалө пристань дорса рөч йылас, сайөдчыштөма берегдорса пожөм улө да «Синий платочек» ворсө. Воысьяслөн воддза нырыс нин разаліс, а бөрын трап кузя лэччис

кӱстыля мужичӱй, веськыд кокыс абу, шинельыс кизявтӱм, морӱсас орден да медальяс зияля-зӱлякылӱны. Кайис рӱч йылас, сувтис Ёгор водзӱ, лӱдзис кок улас мыш сайсьыс мешӱксӱ да и шуӱ:

— О-о, другӱ, ловъя? Вайлы мен веськыд китӱ. Зӱв жӱ ыджыд аттӱӱ тӱныд, ворсӱмсьыд аттӱӱ. Колльӱдӱн менӱ гудӱкӱн и чолӱмалан гудӱкӱн. Землянкаын куйлӱгӱн куня вӱлӱ синъясӱс, кута чужан Коми муӱс казтывны, и тӱ тшӱтш син водзӱ воан. Сыктыв ю берегыс, тайӱ кыдзясыс, топольясыс и тӱ. А госпитальын кымынысь мӱвп юрӱ волӱс, мися, кодлы ме ӱнӱ коктӱгыд кола, да и вӱралысь ме, кок пӱвнад пармаӱдыд он котрав. И бара тӱ син водзӱ воан, быттӱӱ тан, кыр йылас, ворсан гудӱкнас, коран менӱ гортӱ. И мурч курчча парйӱс да ставсӱ терпита. Тшӱкыда тӱнӱ казтывлӱ. Салдатскӱй пасибӱ тӱныд гудӱкасьӱмсьыд, кок улӱдзыд копыр.

Ёгор мыччис меным гудӱксӱ, киасис салдаткӱд, тапкӱдӱ сӱйӱс пельпомӱдыс, а

ме видзѡда и ог тѡд Ёгорушкаѡс. Паракод бияс улас ясыда тыдалѡ векняммом чужѡмыс, топѡдѡм вом доръясыс, ѡдйѡ-ѡдйѡ лапйѡдлысь синъясыс, и он гѡгѡрво: синва войтъяс визувтѡны чужѡм-банѡдыс али исковтѡны зѡр тусьясыс.

Тѡвнас Ёгор кувсис. Шыасьлім жѡ эськѡ врачьяс дорад да сѡр нин пѡ. Гуалі да, быттѡ шондйис меным вылѡ кусі. Сідзи и олі. Эз жѡ тай яй сѡлѡмыд пот-а. Мыйкѡ мында тай уджад ылалан, вись-ысьяс дорад гѡграліг ассьыд дойтѡ вунѡдлан. Нелямын во нин регыд кулѡмыслы, а ворсѡм шыыс ѡні на пельын. А со и гудѡкыс. Матѡ нелямын во паськѡдлытѡм.

Парасковья Николаевна ланьтіс, но ачыс быттѡ век на вѡлі важас, сѡкыд, но шуда кадас.

Зина сідз жѡ эз торк чѡвлунсѡ, сылы кажитчис, мый сйѡ вѡлі талун кытѡнкѡ ылын-ылын, уна во сайын, да ачыс, ас синнас аддзыліс пристань дорысь синтѡм гудѡкасьысьсѡ да сылысь авъя том гѡтырсѡ, кодъяс лоины сылы матыссаѡсь да

донао̄сь. Том ныв быттьо̄ кыліс гудок-
лысь нор шысö, усьом салдатъяс вöсна сы-
лысь бöрдöмсö. Чöвлунсö торкис пöрысь
аньлөн лөнъ гөлöсыс:

*Визув шор дорын рытъя кыалы
Кöсьылі и ме сывны гажаа.
Эз тай гажа пет, гөлöс мытшасис,
Долыдлунö тай нитшкөн нитшасис.
Векни шоръястö потшөн потшöны,
Мед оз дзольгыны, водзö визувтны.
Öнi лыддьö кök менсьым воясöс,
Ёртöй пöрöма шондi югөрö...*

Коркө, уна во сайын, чойлы ковмис оланін корсьны. Кыкнанным нин сэки карын олім. Өтлаын и мунім. Өтилаө-мөдлаө пыралім, сэсса кодкө и индіс: эсійө керкаас, пө, ветлөй, сәні өтка пөч олө, а керкаыс ыджыд, уна жыръя.

Ми и мөдөдчим. Төв, көдзыдкодь. Матыстчим керка дорад, а сулаліс сійө ю дорын, парк кывтыдладорас, өнія «Югөр» гостиница весьтын. Матыстчим, видзөдам. Керкаыс өти судтаа, кузьмөс да ляпкыд, абу коми керкаяс кодь. Кильчө дорас, толаыскөд өтвесът, векныд южмөм туй нуөдө, төдчө, мый төвбыд некод абу весавлөма лымсө. Бокө кө кокыд веськалас, и коскөдзыд вөян.

Ньөжйөникөн матыстчим налькъя туйті керка дорас, вевттөм куим содъя кильчөыс чышкөма, дзоляник рос куйлө. Пырим керка водзө, сэсса восьтім өдзөссө да веськалім овтөм жырйө; мөд өдзөс восьтім — бара овтөм жыр; коймөд өдзөс восьтім — некод олысь абу. Бытьө керкаыс ставнас эновтөм: өшиньясыс занавестөмөсь, өшинь тасъясыс чусмөмаөсь, найөс важөн нин абу мавтлөмаөсь, көрт крөватьяс кушөсь, пызан вылас кутшөмскюрө важ доздук, ставыс буса. Көдзыдыс татчө йөрмөма. Шуштөм миян лои. Водзын нөшта өти өдзөс. Восьтны-ө сійөс? Чойкөд өта-мөд вылө

шайпаймунөмөн видзөдам. Но, пыралам нин. Восьтім медбөръя өдзөс, но жыръяс бара на эгө веськалө, пыранінсө сайөдіс эшкын. Гөгөр-воим да вештыштім эшкынсө. Шоньдөн өв-тыштіс чужөмө.

— Төдтөм гөстяяс кыськө усьөмаось, — шыасис ми дорө месаньыс. — Пырөй, пырөй да өдзөссө ас бөрсяныд топыдджыка пөдла-лөй, көдзыдсө эн лэдзөй.

Микөд пырысь еджыд руыс разаліс, и ми аддим неыджыд тушаа, косіник, сөстөм еджыд чышъяна, посни ныр-вома пөчөс.

Сёрни-басни бөрын, мунігөн нин, юалі сьөд комод вылын еджыд прөшвиөн вевттьөм гудөк йылысь.

— Верөслөн тайө. Некодлы эськө өні ворс-нысө да, важсө казътылөм вөсна и видза.

Татысянь и чужи висьтыс.

Елена Козлова. Над обрывом плакала гармонь.

Редактор Елена Афанасьева.

Технический редактор Николай Вахнин.

Заказ 088/2016. Тираж 200 экз.

Отпечатано с готовых оригинал-макетов
в ООО «Центр оперативной полиграфии»
г. Сыктывкар, ул. Первомайская, д. 70.



Елена Васильевна Козлова чужис Емдін районса Лыаты сиктын. Помалис Коми пединститут. Йозодіс дас сайö книга, медсясö челядылы. Пырö Россияса гижысьяслön котырö. Олö Сыктывкарын.